

SARS YI TINYIKETELA EKA PHUROSESE LEYI HATLISIWEKE YA NTWANANO WO HAKELA XIKWELETI XA XIBALO

Tshwane, 30 Ndzati 2025 – Vukorhokeri bya Xibalo bya Afrika-Dzonga (SARS) byi tshama byi lulamerile ku pfuneta vahakelaxibalo ku hetisisa swiboho swa vona swa xinawu. Vahakelaxibalo lava kolotaka xikweleti xa xibalo va nga kuma swi tika ku hakela swikweleti swa vona hi mhaka ya mitlhontlho ya swa timali. SARS yi na maqhingana mo hambanahambana mo hlengeleta xikweleti lexi kayiveleke. Ku valanga mhaka leyi hi xitalo, SARS yi hlanganile na Mihlangano yo Lawula leyi Lemukiwaka (RCBs) ku languta tindlela to hambanahambana leti vahakelaxibalo va nga pfunetiwaka hi tona ku hakela swikweleti swa vona swa xibalo eka nkwama.

Eka nhlengenetano lowu, mavandla ma burisanile mayelana na swipimelo swa Ntwanano wa Mahakelelo ya Xikweleti tanihileswi swi vekiweke hakona eka Xiphemu xa D xa Nawu wa Vulawuri bya Xibalo, lowu nga ha anakanyiwaka ehansi ka swiyimo swin'wana. Hi pfumerile leswaku tiRCB ti simeka Phurosele leyi Hatlisisiweke ya Xikweleti xa Xibalo. Leswi i xiphemu xa nxaxameto wa wo angarhela na vutinyiketeri exikarhi ka SARS na tiRCB ku kuma tindlela to vuyisela xikweleti hi xihatla hi ku ya hi swipimelo swa Nawu wa Vulawuri bya Xibalo. Phurosele ya ntwanano wo hakela xikweleti ya ntlovelo yi tshama yi pfulekerile vahakelaxibalo hinkwavo.

SARS yi ta tirhisa tidyondzo ta phurosele ya xihatla ya ntwanano wo hakela xibalo ku ndlandlamuxa phurosele ya ntwanano ku vuyerisa vahakelaxibalo hinkwavo. Ndhawu yin'we yo nghena leyi nyiketeriweke yi ta endliwa yi va kona mayelana na swikombelo ku sukela Musumbuluko, 13 Nhlangua 2025. Hambileswi phurosele leyi ya ntwanano wo hakela xikweleti xa xibalo yi nga ta sungula na tiRCB, ku ya hi mivuyelo, SARS yi nga ha yi anakanyela vahakelaxibalo hinkwavo.

SARS yi ta burisana mayelana na phurosele leyi hatlisisiweke ya ntwanano wo hakela xibalo hi ku anama, no rhamba tiRCB ku tirhisana eka tisexini teto ta lemukiso, tiwebinara, na mbhurisano lowu kongomisiweke ku fambisa ntwisiso wo anama wa phurosele.

Swihlawulekisisikulu swa Pfhumba

- a) Phurosele ya ntwanano leyi hatlisisiweke yi tirha eka swikweleti swa xibalo leswi nga kanetiwangiki swa vukhale byo tlula 12 wa tin'hweti.
- b) Tienthithi leti sweswi ti nga suleriweni ka ntsariso wa CIPC ro hetelela, leti faneriweke hi ndzavisiso wa swa vugevenga, na leti nga eka mponiso wa bindzu a ti katsiwangi.
- c) Vaendlaswikombelo hinkwavo va fanele va nyiketa matsalwa mo seketela lama faneleke mo angarhela kun'we na mirhumelo ya vona. Swi na nkoka leswaku

mipaluxo yi lulama, ku tsandzeka sweswo SARS yi nge anakanyi khwatsi swikombelo sweswo.

- d) Vativi va swa xibalo lava titsariseleke na tiRCB va nga letela titlilayente ta xibalo mayelana na swilaveko swa ntwanano wa xibalo, ku katsa na matsalwa mo seketela lava lavekaka ku fambisana na Xiphemu xa D xa Kavanyisa ka 14 xa Nawu wa Vulawuri bya Xibalo.
- e) SARS yi tiyimiserile ku ololoxa vaendlaswikombelo lava ringaneleke eka mavhiki ma mune hi ku tirhisa swipano leswi tinyiketeleke na vufambisi bya nkhlukontirho lebyi ndlandlamuxiweke.
- f) Mayelana na vahakelaxibalo lava tshamaka va nga landzeleli na lava nga vumbiki xiphemu xa phurosese ya ntwanano, SARS yi ta vuyela eka swiendlo swa nsindziso swa ntlovelo ehenhla ka vahakelaxibalo lava nga landzeleriki. Ku endla vutlandzelelanawu byi nonoha no durha, nsindziso wolowo wu ta katsa swileriso swo tsariwa swa ximfumo swa nsindziso swa miahhlulo ya khoto.

Mindlandlamuxo ya swa Matirhelo na Xithekiniki

Swipano swa akhawunti na switirhisiwa swa xithekiniki leswi nyiketeriweke, ku katsa na tisisitame ta ntholo wa le ka inthanete mayelana na vativi va swa xibalo, swi tlhaviketiwele ku seketela phurosese no ololoxa mitlhontlho ya swa matirhelo.

Swiendlo swa Nandzeleriso swa SARS na tiRCB

Ku fambisana na mbhurisano lowu khomiweke na SARS, tiRCB ti ta hlamusela swilaveko swa phurosese leyi hatlisisiweke ya ntwanano wo hakela no kotisa ntirho wa tona wo olova.

Mayelana na vuxokoxoko hi xitalo, u komberiwa ku tihlanganisa na SARSMedia@sars.gov.za.